

جَزَائِرُ حَاكِمَةٍ

جمعه ایرتسی

نومرو	ربیع الاول	سنه	ایلول	سنه	محیفه
۷۳۷	۲۰	۱۳۱۱	۱۸	۱۳۰۹	۱۰۹۰۹

(اشبوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التیش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولوق اوزره یوز پاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت سی

توجیهات

ادرنه ولایتی استیناف محکمه سی مدعی
 عمومیلکی طر بزون ولایتی استیناف محکمه سی
 مدعی، عمومیس سابق عزتلو خلوصی افندی به
 طر بزون ولایتی استیناف محکمه سی مدعی

عمومیلکی بغداد ولایتی استیناف محکمه سی جزا
 دائره سی رئیس سابق عزتلو غالب بکه

کلیولی سنجانی بدایت محکمه سی مدعی عمومی
 معاونلکی ساقز بدایت محکمه سی مدعی عمومی
 معاونی سابق توفیق افندی به

ساقز بدایت محکمه سی مدعی عمومی معاونلکی
 پروزه بدایت محکمه سی باش کاتبی سابق فیروز
 افندی به تفویض بیورلش ومومی الیهمدن غالب
 بکک در سعادتده بولندیغنه مبنی مغایر عدالت

حرکاتده بولمیه جغه وذات شوکتسمات حضرت
خلافتداهی به و دولت علیه لرینه صادقانه ایضای
خدمت ایده جکنه دائر تحلیفی اجرا اولوب
محللرنده بولنان خلوصی و توفیق و فیروز افتدیلرک
اصول مقررده اوزره اجرای تحایفاری حقندهده
ادرنه ولایت جلیله سیله کلیولی وساقزم تصرفلرینه
تبلیغات مقتضیه ایضا ایدلشدور .

(فی ۴ ربیع الاول سنه ۳۱۱ وفی ۲ ایلول سنه)
(۳۰۹ تاریخنده بالجهله ولایات استیناف محکمه سی)
(مدعی عمومی بولمیان)
(محللر مدعی عمومی معاوئلرینه یازیلان)
(تحریرات عمومیه صورتیدر)

زراعت بانکه سی دوائر رسمیه دن اولدینی
جهتله مطلوباتی دخی مالیه خزینه سنک مطلوباتی
کچی حقوق متازده دن اولوب اعشار ایله منافع
ومعارف حصه لری بدل احاله سنک تأمین استیفاسی

ایچون ملتزمین و کفلاس سنک اموال غیر منقوله
محجوزه سی بالمزایده صالتدینی حالدیه اتمانندن
زراعت بانکه سنک دخی حصه دار ایدلسی و املاک
مذکورده نك اتمان بدل التزامک ایفاسنه کفایت
ایتمدیکی تقدیرده خزینه جلیله ایله صندوق
اداره سی برلکده مدیونک سائر اموالنه مراجعت
ایتمک اوزره فروخت اولنه حق او مقوله املاک
اتماننک کرک خزینه نك کرک زراعت بانکه سنک
مطلوبلری نسبتنده تقسیم و استیفا ایدلسی
وبعد ازین مشکلاته محل قالمق ایچون ملتزم
و کفیللرک حجز اولنه حق اموال غیر منقوله لرینک
قیمت حقیقه لرینه اعتبار وشوصورته اعتنا و اهتمام
ایتمیان مأمورین حقلرنده معامله قانونیه اجرایی
حقنده شورای دولت و مجلس مخصوص وکلایه
اتخاذ اولنان قرار تجارت و نافع و مالیه نظارت
جلیله لرینه تبلیغ اولنمش ایسهده بعض محاکم
نظامیه اجرا دائره لرینجه بو باده مقام ثنوریدن
اشعار وقوع بولمیدینی بیانیله قرار مذکورده توفیق
معامله ده تردد اولوب ملتزملرک بالمزایده صاتیلان
اموالی بدلنک کاملاً مال صندوقلرینه تسلیمیه
منافع و معارف اعانه لری حصه لری بدل احاله سنک
قارشولقسز بر اقلدینی اشعار محلیه دن اکلاشایدنندن
بجمله قرار مذکورک تعمیماً تبلیغی مقام ساهی

حضرت وکالتدینا هیدن شرفوارد اولان ۱ محرم
سنه ۳۱۱ و ۳ تموز سنه ۳۰۹ تاریخی و اوچبوز
اللی بر نومرولی تذکره سامیهده امر و اشمار
بیورلش و اولوجهله اجرای معامله اولنحق اوزره
مأموریتلرک داخلنده بولنان محاکمه لاجل التبلیغ
اشبو تحریراتک نسخ مطبوعه کافیه سی لفا
ارسال قلمش اولمغله بر موجب اراده علیه
اقتضاسنک اجرایی .

قسم غیر رسمی

ایوانلی قریه سی بکجیسی رهضانک قتل
و مختار خرسنک دولی ایله خرسنک جرح
و خانلرینک احراق اولنمشندن طولانی اتهام
ایدیلان قریه مرقومه لی خرسنک ولد پاسقال
و دیمتری استریو ولد قسطه نك قانون جزانک
یوز یتش دردنجی ماده سنه تطبیقاً اعداملرینه

و دیگرلرینک برائتلرینه دائر سلاتنیک محکمه
استینافیه سنندن و بریلان ۲۸ شباط سنه ۳۰۸
تاریخی اعلام مع متفرعات باش مدعی عمومیلک
مأموریت علیه سنندن ۷ اغستوس سنه ۳۰۹
تاریخ و بیک ایکبوز الی یدی نومرولی تبلیغنامه
ایله محکمه تمیز جزا دائره سنه کوندردلیدن حکم
جنائی لدی التدقیق تبلیغنامهده کوندردلیدی و جهله
صورت جریان وقعه به کوره حریق فعلنک
اشخاص مرقومه و مجهوله طرفندن مجتمعا ایقاع
اولندیغه دائر اولان محکمه نك تقدیرینه دیه جک
یوق ایسهده فعل جرح و قتلک او ائشاده مرقومان
جانبندن ایقاع اولندیغه دلالت ایدر بر صورت
بیان اولنامسیله حکم واقعه اصاب کوریه -
مدیکندن اصول محاکمات جزائی قانوننک اوچ
یوز اون دردنجی ماده سنه تطبیقاً حکم مذکورک
نقضنه و ایکبوز غروش اعلام خرجنک بالاخذ
محکمه تمیزه لزوم ارساله ۱۱ اغستوس سنه ۳۰۹
تاریخنده قرار ویرلدی .

فی ۱۸ صفر سنه ۳۱۱

وفی ۱۸ اغستوس سنه ۳۰۷

خلف افندی ایله شیرخانک خانه لرندن وقوع
بولان سرقتدن طولای ایتام اولنان اشخاصدن
برحیات بولنان اون یدی یاشنده علی بن طالب و یکریمی
الهی یاشنده احمد بن علی و یکریمی الی یاشنده سفیخ
بن کریم و اوتوز بش یاشنده طاهر بن زیار و اوتوز بش
یاشنده شهاب بن مرشد و یکریمی بش یاشنده لغنه بن محمود
ایله فراری حسین بلوش و عبدالحیک اجرا قلنان
محاکمه لرنده سرقت مذکوریه دیوار آشمق و قیو
اچیق صورتیه جراتلری ثابت اولدیغندن
مجرمیتلرینه و علی بن طالب ایله احمد بن علینک
قانون جزانک ایکوز یکریمی برنجی و دیگر لرینک
ایکیوز یکریمی ماده لرینه تطبیقاً و تاریخ توقیف لری
اعتباریه بونلردن شهاب بن مرشدک مشوق
اولدینی سبب شدت طوتیلهرق درت سنه اوچ ماه
و ماعداسنک دخی اوچر سنه اوچر ماه مدتلره
بعدالتشهر کورکه قولملرینه دائر بصره سنجانی
بدایت محکمه سی جزا دائره سندن صادر اولان
۲۱ کانون اول سنه ۳۰۸ تاریخ و یوزسکر نومرولی
اعلامک تقضی طلیله اولبابده اولان اوراق باش
مدعی عمومیلک مأموریت علیه سندن ۸ تموز
سنه ۳۰۹ تاریخ و بیک الی برنومرولی تبلیغنامه
ایله محکمه تمیز جزا دائره سنه کوندلرملکه حکم
و جاهی لدی التدقیق کرچه مذکور تبلیغنامه ده

تطبیق اولنان مواد قانونیه ده محرر اولدینی وجهله
سرقتک دیوار دله رک ویا زردبان ایله آشهرق ویا
آلت مخصوصه ایله قیو آچهرق و بالمعامله شدتله
کیجه وقوعنه دائر مجرمیت قرارنده مذاکره
جریان ایتوب و برکونه کشفنامه ارانلمیوب
نتیجه مذاکره ده بوجهتلر سطحی یکشدیرلمش
اولدینی کبی مواد مذکورده جزا مدتی سنه
اوزرینه معین اولدینی حالده اوچ و درت سنه
اوچر ماه جرا حکم اولنمی یولسز بولندیغندن
اصول محاکات جزائییه قانونسک اوچوز اون
دردنجی ماده سی موجبنه حکم و جاهی مذکورک
نقضی طلب اولنمش ایسه ده اعتراضات مذکورده
نقضی موجب کوریه مدیکندن و خصوص مذکورده
دائر جریان ایدن تحقیقات و محاکمه اصول محاکات
جزائییه قانونه موافق و مرقومون سفیخ و طاهر
و علی و احمد و لغنه و شهاب حقلرنده لاحق اولان
حکم دخی جزا قانوننامه هایوننه مطابق کورملکه
حکم مذکورک تصدیقه و یوز غروش اعلام
خرجنک بالتحصیل محکمه تمیزه لزوم ارسالنه
۲۱ تموز سنه ۳۰۹ تاریخنده قرار ویرلدی .

فی ۲۳ صفر سنه ۳۰۹

وفی ۲۳ اغستوس سنه ۳۰۹

(اطنه استیناف محکمه سندن ۲۸ شباط)
(سنه ۳۰۶ تاریخی و یکریمی ایکی عددی ایله)
(ویریلان اعلامک مابعدی)

و حکومت سنیه نک الاجنی ممتاز ایدوکنی مدافعه
انبا ایلش ایسه ده ذخائر مذکورده نک مرقوم
یا نقو طرفندن سالف الیان تجارت اعلامیه تحت
محجزه الدیرلمش و حجزدن مقصد ایسه محجزه
ید آخره یکمامسندن عبارت بولنمش اولسنه نظراً
ذخائر مذکوریه حکومت محلیه نک منع مداخله سنه
دائر اطنه بدایت محکمه سندن ویریلان اعلامک
استینافاً تصدیقه حکمدن و اشبو حکم علیه ده
مستدعی تمیز خزینه مشارالیه و کیلنک باشلوچه
اعتراضی خزینه جلیله نک زراع ذمتده اولان
مطلوباتنک دیون سائریه رجحانیتی درکار اولدینی
استینافاً ادا اولنمشیکن محکمه استینافیه جه ذخائر
مذکورده نک محجز اولسندن طولای بوادعاسنه
حواله سمع و اعتبار ایدلامسی مفایر قانون
اولدیغندن بخله اعلامک تقضی استدعا سندن
و معاون مومی الیهک مطالعه سی دخی حکم ابتدائی
عندالاستیناف تصدیق قانمش ایسه ده اسباب
موجبیه قانونیه کوسترلماش و درمیان اولنان

اعتراضات مسکوت عنه برانقلمش اولدیغنه مبنی
اعتراضات واقعیه نک موافق قانون اولدینی
بیانندن عبارتدر .

ایجابی لدی المذاکره اعلام استیناف مذکور
مطالعہ سندن اکلش لدینی اوزره حکومت سنیه
جانبندن مداخله ایدلیدی ادا اولنان ذخائرک
محجز بولندیغندن ناشی مداخله واقعیه نک منع
دائر بدایت ویریلان حکمک عندالاستیناف تصدیقه
قرار ویرلمش ایسه ده اصول محاکمه حقوقیه
قانون موقتک یوز اوتوز التبعی ماده سندن بیان
و تعریف اولدینی وجهله محاکم نظامیه دن
ویریله جک حکملرک علل و اسباب موجبیه
قانونیه سنک کوسترلمسی مقتضی اولسنه کوره
عندالاستیناف و اعلام ابتدائی علیه ده حکومت
محلیه و کیلنک درمیان ایتدیکی اعتراضاتک یکان
یکان بالتدقیق ردینی موجب اولان اسبابک متن
اعلام استینافیه موضحاً اراة ایدلمسی لازم
کلور ایکن اعتراضات مذکورده نک برکونه اسباب
موجبیه قانونیه کوسترلمسین ردیه حکم ابتدائیک
تصدیق قلنمی یولسز و اصول و قانونه مفایر
و مستدعی تمیز خزینه مشارالیه و کیلنک اعتراضیه
معاون مومی الیهک مطالعه سی دخی بوجهته متدائر

اوله رق موافق نفس الامر کورنش اولدیفندن
قانون مز بورک ایکوز اوتوز ایکنجی ماده سی
موجبجه اعلام استینافی مذکورک تقضیه
ایکوز فرق دردنجی ماده سی حکمنه توفیقاً کیفیتک
صورت مشروحه دائره سنده یکیدن بالرؤیه
اعلامه ربطی ضمنتده محکمہ مذکوریه اعاده سنده
وزیرده مقرر داتی مرقم اوچوز اوتوز طقوز بچق
غروش مصارف محاکمه نک ایلروده حقسنز چقه جق
طرفه رجوع ایتک اوزره اول امرده مستدعی
تمیز خزینہ مشارالیه ایدن استیفاسنه ۱۹ تموز
سنه ۳۰۹ تاریخنده متفقاً قرار ویریلرک
تفهیم قلندی .

اعلام مذکورک خلاصه مالی مرقوم
خرستاکینک محله مذکورده مجدداً انشا
ایتدیرمش اولدینی بر باب حمامک صوبنی کلیساک
سابق متولیرله الی ایرایه مقاوله ایتش واولوجهله
مذکور هماه صو جریان ایتکده بولنش ایکن
الیوم کلیساک متولیرلی بولنان نیقوله و میخائل
طرفندن قطع ایدیلرک ۱۲ اغستوس سنه ۳۰۲
تاریخندبرو مذکور حمام تعطیل ایدلش اولدیفندن
بجمله ایام معطله اجر تیله مراتبات میریه سنک
تحصیلی زعفرانبولی بدایت محکمه سنه مراجعتله
طاب ودعوی ایتسی اوزرینه تعیین قلنان کونده
مدعی علیهمدن نیقوله افندیکنک دعوته اجابت
ایتماسی حسیلله مرقوم ایچون وکیل مسخر تعیین
اولهرق جریان ایدن محاکمه نتیجه سنده منازع فی
هماه صو ایصال اولنق اوزره مذکور کلیسا
متولیرله الی ایرایه عقد مقاوله ایدلرکی مبرز

زعفرانبولی بدایت محکمه سندن ۲۲ تشرین
اول سنه ۳۰۵ تاریخی والی عددی ایله صادر
اولان اعلامک تمیزینی استدعا ایدن زعفرانبولی
قصبه سنک مزاک محله سنده مقیم حاجی کویستان
اوغلی خرساک وکیل راشد افندی یوم معینده

اولدقاری آشکار بولنش اولسنه مبنی اعتراضات
واقعہ نک موافق قانون اولدینی بیسانندن عبارت
بولنشد .

ایجابی مذاکره اولندقدہ اعلام مذکور
مفادندن منفهم اولدینی اوزره دعوی واقعہ نک
کلیسا حقوقه متعلق اولسنه کوره انشای
محاکمه سنده مدعی عمومینک بالداخله مطالعه سنک
استماع قلنسی تشکیلات محاکم قانوننک التمش
یشنجی ویتش برنجی ماده لری اقتضاسندن بولنش
ایکن محکمہ مذکورده مأمور مومی الیهک
حضور و مطالعه سنک استماعی لزومنه دقت
ایدلامسی یولسز اولدینی کی مبرز مقاوله نامه
سابق متولیر جانندن کلیسا نامه تنظیم و امضا
قلنش اولسنیلله مقاوله مبحوث عنهانک متولی
مرقومونک شخصلرینه سرایت وانتقال ایتیه رک
کلیسایه عائدیتی درکار و علیهلرینه اقامه دعوی
اولنان کلیسا هیئت حاضرہ سنک ایسه هیئت
سابقه مقامنه قائم اولهرق خصومونک بالطبع اثره
توجه ایده جکی آشکار اولدینی حالده هیئت
حاضرہ به خصومت توجه ایتیه جکی بیانیه مدعینک
هیئت سابقه به مراجعته مجبور ایدلمسی یولسز
ومخایر قانون اولوب مستدعی وکیلک اعتراضیه

مقاوله نامه مندرجاتندن اکلشلمش ایسه ده
مذکور الی ایرای مدعی علیهم مرقومونک قبض
ایتماش و اولبابده کی سنده دخی امضالری
اولوب مبلغ مز بوری سابق متولیر قبض ایتش
اولسنیلله بو خصوصده کندولرینه خصومت توجه
ایتمیه جکنه مبنی دعوی واقعہ نک ردیه مدعینک
سالف الذکر سنده امضالری بولنان سابق
متولیرله مراجعتده مختار قلنسنه حکمدن و مستدعی
خرستاک وکیل راشد افندیکنک اشبو حکم
علیهنده کی اعتراضاتک باشلوجه سی بهر سنه
متولیرک تبدیلی متخذ اصول اقتضاسندن اولدینی
و خصم لردن میخائل افندیکنک جریان معامله به
معلومات تامه سی بولسندیغنی عندالحا که اقرار
ایتدیک حالده محکمہ به خصومت توجه ایتیه جکنه
قرار ویرلسی یولسز ومخایر قانون اولدیفندن بجمله
اعلامک نقض استدعاسندن و تمیز علیهم مرقومونک
لایحه سنده محرر نتیجه جوابلری اعتراضات
مسروده واهی اولدینی بیانیه ردی و موافق
قانون اولان اعلامک تصدیق طلبندن و معاون
مومی الیهک مطالعه سی دخی منازع فیسه اولان
مقاوله کلیسا نامه عقد اولدینی جهته بوندن
متولد دعوانک شخصه عائد اولدینی درکار
وکلیساک هیئت حاضرہ سی هیئت سابقه به خلف

معاون مومی اليهك مطالعه می شایان قبول کورنش
اولدیفنه بنساء اصول محاکمه حقوقیه قانوننک
ایکیوز اوتوز ایکنجی ماده سی موجینجه اعلام
مذکورک تقضیه قانون مزبورک ایکیوز قرق
دردنجی ماده سی حکمنه توفیقاً کیفیتک یکیدن
بالرؤیه اعلامه ربطی ضمننده محکمه مذکوره
اعاده سنه وزیرده مفرداتی مرقم التیوز یکر می بر
یحق غروش مصارف تمیزیه نک ایلروده حقسنز
حقیقه حق طرفه رجوع ایتک اوزره اول امرده
مستدعی خرستاکیدن الخمسنه ۳۰ تشرین اول
سنه ۳۰۷ تاریخنده متفقاً قرار ویریلرک
تفهیم قلندی .

اعلام مذکورک خلاصه مالی طرفین بیننده
متحدث بر باب بوجکخانه دعواسندن طولانی
کسروان بدایت محکمه سندن ویریلان اعلام
علیهنده مرقوم شیخ وردان الدحداح طرفندن
استیناف دعواسنه قیام اولنش ایسه ده محل
منازع فیهک قیمتی بیک غروشندن دون اولدینی
مزاد بوصله سی مآلیله اکلاشدینی و بنساء علیه
ذات دعوی قابل استیناف اولدینی بیانیله
استیناف استدعاسنک ردینه قرار ویرلیدکندن
و مستدعی وکیلنک اشبو قرار علیهنده کی
اعتراضاتنک خلاصه سی منازع فیه اولان محاک
قانون دائره سنده قیمتی ثابت اولقسزین استیناف
استدعاسنک ردینه قرار ویرلسی مغایر قانون
اولدینندن بختله اعلامک تقضی و مدعی علیه
وکیلنک نتیجه جوابی دخی محل مذکورک بدلی
بیک غروشندن دون اوله رق دعوی قابل استیناف
اولدینی و حکم استینافی موافق قانون بولندینی
بیانیله اعلامک تصدیق طلبندن عبارت
بولنشد .

جبل لبنان استیناف محکمه سندن ۷ نیسان
سنه ۳۰۱ تاریخی ویکرمی ایکی عددی ایله صادر
اولان اعلامک تمیزینی استدعا ایدن کسروان
قضاسنه تابع چوبان قریه سنده مقیم شیخ
وردان الدحداح وکیللی بدوساکی اقدی ایله

ایجابی مذاکره اولندقد اعلام مذکور
مندرجاتندن مستبان اولدیفنه کوره دعوی واقعه
مقدار غیر معین اوزرینه تگون ایتش و تقدیر
قیمت مسئله سنک مدعینک ادعاسنده و یاخود
حین محاکمه ده طرفینک واقع اوله حق افاده لرینک
بیان قلنسی اصول محاکمه حقوقیه قانوننک یوز
یتش بشنجی ماده سنده محرر اولسنه نظراً دعوی
مذکوره قابل استیناف بولنش ایکن محکمه جه
بورالری نظر دفته التمسزین مزاد بوصله سنده
محررقیمته اعتبار اوله رق دعوانک قابل استیناف
اولدیفنه ذهاب ایله دعوانک ردی طرفه کیدلسی
ماده مذکوره حکمنه مغایر اولدیفنه بنساء قانون
مذکورک ایکیوز اوتوز ایکنجی ماده سی موجینجه
اعلام مذکورک تقضیه وزیرده مفرداتی مرقم
اوچیوزسکسان سکر غروش مصارف محاکمه نک
ایلروده حقسنز حقیقه حق طرفه رجوع ایتک
اوزره اول امرده مستدعی تمیزدن الخمسنه
۲۷ مایس سنه ۳۰۹ تاریخنده متفقاً قرار ویریلرک
طرفین وکیللرینه تفهیم قلندی .

اعلام مذکورک خلاصه مالی مومی الیه ادهم
بک ایله مرقوم اسماعیل اغا بیننده متحدث ترلا
دعواسنه دائر محکمه مذکوره دن استینافاً صادر
اولان اعلام غیابی علیهنده مومی الیه ادهم بک
طرفندن اعتراض علی الحکم عرضحالی اعطاسیله
جریان ایدن محاکمه وجاهیه اوزرینه اعلام
معارض بهک فسخنه قرار ویریلرک اکال محاکمه
ضمننده معترض مومی اليهك کلامسی جهتیله
معارض علیه اسماعیل اغا وکیل سالف الذکر
اعتراض استدعاسنک ردینی طلب ایتسنه قارشو
معارض مومی الیه وکیل یوم مذکوره موکلنک
کیفسز اولق حسیدله کله مدیکندن محاکمه نک یوم

آخره تعلیقاتی باتلغراف استدعا ایلمش اولدینی
 حالده یوم اخیر من بورده دخی کرک معترض
 مومی الیهک و کرکسه وکیلک کلپوب دیگر بر
 کونده کللی ایشک حاصل ایده جکی نتیجه یی
 ۱ کلایوب امرار وقت ایلمک مقصدینه ملابس
 اولدینی منقهم اوله رق سالف الذکر اعتراض
 عرضحالک ردی حقنده کی معترض علیه وکیلک
 طلبی موافق قانون کورنش اولدیغندن بخله
 اصول محاکمه حقوقیه قانون موقتک یوزالی
 طقوزنجی ماده سی موجبجه عرضحال من بورك
 ردیه منازع فیہ اولان ترلانک من بور اسماعیل
 اغا جانندن تصرف ایدلمسه حکمدن و مستدعی
 تمیزک اشبو اعلام علیه نه لایحه سندده محرر
 باشلوجه اعتراضاتی یوم معینه معذرت مشروعه سنه
 مبنی کله ماش اولدینی جهته اخیراً وقوع بولان
 مراجعتی اوزرینه دعوانک تدقیق ایدلمسی لازم کلور
 ایکن محکمه جه بوراسنه دقت اولنامسی مغایر قانون
 اولدیغنه بناء اعلام مذکورک نقضی استدعاسندن
 عبارت بولمشد .

ایجابی مذاکره اولندقدہ اعلام مذکور
 مطالعه سندن مستفاد اولدینی اوزره لاحق اولان
 حکم غیبی علیه نه ادهم بک جانندن اقامه

ایدیلان اعتراض علی الحکم دعواسنک اکیال
 محاکمه سی ضمنده تعیین اولنان کونده معترض
 مومی الیه کلپوب معترض علیه بالورود اعتراض
 استدعاسنک ردینی طلب ایلدیکی حالده محکمه جه
 استدعای مذکورک ردینه قرار ویرلماش اولمسه
 نظراً اخیراً طرفینک محکمه یه مراجعتی اوزرینه
 امر مواجه لرینک اجراسی ایله تبیین ایده جک
 حاله کوره کیفیتک تحت حکمه النمی لازم کلور کن
 محکمه مرقومه جه بوراسنه دقت اولدیغنه رق مقدما
 تعیین اولنان کونده معترضک محکمه یه کلدیکی
 بیانیله سالف الذکر اعتراض استدعاسنک ردینه
 قرار ویرلمسی مغایر قانون اولدیغنه بناء اصول
 محاکمه حقوقیه قانونک ایکوز اوتوز ایکنجی
 ماده سی موجبجه اعلام مذکورک تفضیله قانون
 من بورك ایکوز قرق دردنچی ماده سی حکمنه
 توفیقاً کیفیتک صورت مشروحه دائره سندده
 یکیدن بالریه اعلامه ربطی ضمنده محکمه
 مذکوریه اعاده سنه وزیرده مفرداتی مرقم دوت
 یوز دوت بحق غروش مصارف تمیزیه نک ایلروده
 حقسز جقه حق طرفه رجوع ایتک اوزره اول
 امرده مستدعی تمیزدن اخذینه ۱۹ مایس
 سنه ۳۰۹ تاریخده متفقاً قرار ویرلدی .

کرماستی بدایت محکمه سندن ۱۴ مارت
 سنه ۳۰۸ تاریخی وایکی عددی ایله صادر اولان
 اعلامک تمیزینی استدعایدن باندرمده ساکن
 برغوس مهاجرلرندن ولی بک زاده محمد بک ایله
 تمیز علیه کرماستی قصبه سندده مقیم باطوم مهاجرلرندن
 ادهم افندی تعیین اولنان کونده دائره یه کلدکلرندن
 باش مدعی عمومیلک مأموریت علیه سنک مطالعه
 نامه سی التدقین صکره اصول محاکمه حقوقیه
 قانونک ایکوز یکرمی طقوزنجی ماده سی
 موجبجه تدقیقات تمیزیه اجراسنه ابتدار
 قلندی .

اعلام مذکورک خلاصه مالی من بور ادهم
 افندی تحت التزامنده بولنان کرماستی قضاسنه
 تابع سونلک قریه سی حدودی داخلنده کائن
 معلوم المقدار ترلانک حاصلات عشریه سی اولوب
 من بور محمد بک طرفندن ضبط اولنان التمش بر
 بحق کیل خطه نک تحصیلی طلب وادعا ایتمش
 ايسه ده مومی الیهک اثباتدن اظهار عجزی
 اوزرینه لاجل التحلیف تعیین اولنان کونده
 مومی الیه محمد بک عدم اجابتنه مبنی یمیندن نکول
 ایتمش عد اوله رق مدعا به ذخیره ک مرمومی
 الیهدن تحصیلی حکمنی حاوی محکمه مذکورده دن

صادر اولان اعلام غیبی نک اعتراض علی الحکم
 اوزرینه تصدیقه قرار ویرلکندن و مستدعی
 مومی الیهک اشبو اعلام علیه نه کی باشلوجه
 اعتراضی کندوسنک اقامتکاهی باندرمه اولدینی
 حالده محکمه مذکورجه صلاحیت خارجنده
 رؤیت دعوی اولغنی و مدعا به ذخیره یه خصمنک
 علاقه سی اولدینی حقنده عندالحاکمه درمیان
 ایلدیکی مدافعه سنک نظر دقته النامسی مخالف
 قانون اولدیغندن بخله اعلامک نقضی استدعاسندن
 و مدعی علیهک نتیجه جوابی حکم مذکور اصول
 وقانوننه موافق اولدینی جهته اعتراض مذکورک
 ردیه اعلامک تصدیق طلبندن و مطالعه نامه
 مندرجاتی دخی بومقوله اسباب قانونیه یه مستند
 اولان عدم صلاحیت اعتراضاتک بدایه سردی
 احکام قانونیه دن اوله رق عندالتمیز اسباب
 نقضیه دن اولدیغنه مبنی اعتراض مذکورک
 موافق قانون کوریه مدیکی بیانندن عبارت
 بولمشد .

ایجابی مذاکره اولندقدہ مندرجات اعلامدن
 مستفاد اولدینی اوزره بدایه مدعی بولنان
 مومی الیه ادهم افندی نک کندی التزامی داخلنده
 اولوب اعشارینک طرفنه عایدیتی ادعا ایلدیکی

ترالار قننى قريه داخلنده اولدينى واوتهدن برو
عشرى نه طرفدن اله كلديكى ارباب وقوف
ومعوماتدن تحقيق وتديق اولنه رق تين ايدى جك
حاله كوره ذات مصلحته حكم اولمق لازم كلور
ايكن محكمه جبه بو يولده بركونه تدقيقات اجرا
اولمق سز ين مير موى اليك لاجل التحليف وقوع
بولان دعوتو اجابت ايتماسى خصوصى مدار حكم
اتخاذ قلمسى مغاير قانون اولديغندن و صلاحيت
حقنده باش مدعى عمومىك مأموريت عليه سنك
مطالعه نامه سى دخی موافق نفس الامر كورلدكندن
اصول محاكمه حقوقيه قانونك ايكوز قرق برنجى
ماده سنه توفيقاً اعلام مذ كورك نقضيله قانون
من بورك ايكوز قرق در دنجى ماده سى موجبنجه
كيفيتك يكيدن بالرؤيه اعلامه ربطى ضمننده محكمه
مذ كوره يه اعاده سنه وزيرده مفرداتى مرقم اوج
يوز طقسان طقوز بيق غروش مصارف تميز يه نك
ايلروده حق سز چيقه جق طرفه رجوع ايتك
اوزره اول امرده مستدعى تميزدن التمسنه
٢٢ ايلول سنه ٣٠٨ تاريخنده متفقاً قرار
ويرلدى .

يانيه استيناف محكمه سندن ١١ ايلول
سنه ٣٠٦ تاريخى ويوز اوتوز طقوز عددى ايله
ويريلان اعلامك تميز ينى ار كرى بلديه دائره سى
رياستندن باعرض حال استدعا قلندينى حالده يوم
معينه بر وكيلى اعزام اولندينى كى تميز عليه
ار كرى قصبه سنك ديوزار محله سى اهالي سندن
ملتزم وهى بن مهدى اغا دخی كلكديكندن باش
مدعى عمومىك مأموريت عليه سنك مطالعه نامه سى
الندقدن صكره اصول محاكمه حقوقيه قانونك
ايكوز يكرى طقوز نجى ماده سى موجبنجه تدقيقات
تميز يه اجراسنه ابتدار قلندى .

اعلام مذ كورك خلاصه مالى مرقوم وهى
اغانك اوچيوز برسنه سنه محسوباً ار كرى بلديه
دائره سندن التزام ايلديكى حيوان رسوم احتسابيه سى
بدلندن باسند دینی اولان یدى بيك التیوز غروشك
مع فائض تحصيلى حقنده دائره مذ كوره جانبندن
اقامه اولنان دعوايه قارشو مرقوم وهى اغا رسوم
مذ كوره نك التزامندن يكرى كون صكره دلالسز
اوله رق چارشو خارجنده صاتيلاان حيواناتندن
رسوم احتسابيه نك اخذى داخله نظارت جليله .
سنك تحريرات عليه سى ايله منع اولمق سندن ناشى
بروجه مقاوله رسوم مذ كوره نك تحصيله موفق

اعلان

يوسف اغانك ^{٢٠٨}/_{١٤٩} نومرولى اعلام موجبنجه
قهرمان اغا ذمتنده محكوم به الاجبى اولان معلوم
المقدار مبالغك تأمين استيفاسى ضمننده مديون
مرقومك بشكطاشده سنك دده محله سنده مصرلى
بنچيسى سواقاغنده مكرر قرق درت نومرو ايله
مرقم متصرف اولدينى سكر يوز زراع عرصه نك
حجز يله فروختى بك اوغلى بدايت محكمه سى
رياست اوليسى جانبندن تحت قراره التمش اولديغندن
تاريخ اعلانندن اعتباراً اون يش كون صكره
بالمزايده فروخت ايتدير يله جى بك اوغلى
بدايت محكمه سى اجرا مأموريتى جانبندن
اعلان اولتور .

فى ٣١ اغستوس سنه ٣٠٩

مابعدى وار

جنس اشيا —

عدد	جنس اشيا
۱۰	مستعمل صنداليه
۲	صو شيشه‌سی
۲	صو بارداغی
۱	چينقو طاس
۳	ايکيسي صغير بری کير اوزری مرمولی
	ماصه مع طاش
۱	صغير آينه
۱	ياغ تنجره‌سی
۱۰	چور باکسه‌سی
۱	مستعمل تحته قونسول
عدد	صغير وکير تنجره مع قباقي
۳	نحاس کير وصغير تپسی
۱	باطه
۱۰	نحاس صحن مع قباقي
۴	نحاس طاس مع قباقي
۱	نحاس لنگر مع قباقي
۲	چينقو يک تپسیسی
۷	يک طباعی
۱	قره قلم طباق
۱	چالاق کاسه
۸	طباق
۲	صغير طباق
۳	چتال وقاشيق
۱	نحاس سوزکچ
۱	بویالی تپسی
۱	قايق طباعی
۱	قدائف طباعی
۱	جالار ساعت
۱	طورشی شيشه‌سی
۲	يازی تحته‌سی

کورچی مولود اغانک درسمادت ايکنجی
حقوق دائره‌سندن استحصال ايلديکی اعلام
موجبجه مقدما بازيده تراوای جاده‌سنده اون
طقوز نومرولی دکانده مقیم آشجی حاجی محمدانا
ذمتنده الاجبی اولان مبالغ معلومه‌ک تأمین
استيفاسی ضمننده مديون مرقومک مالی اولوب
تحت حجزه النسان بوجه بالا يکرمی طقوز قلم
اموالک اشبوايلولک طقوزنجی پنجشنبه واوننجی
جمعه واونبرنجی جمعه ایرنسی کونلری ساعت
ایکیده ساعطان بازيده سيمکش خاننده
مزایده‌سی اجراقلنه جفندن اشترايه طالب اولنلرک

وقت معینده محل مذکورده حاضر بولنلری
درسمادت اعلامات نظامیه اجرا دائره‌سندن
اعلان اولنور .

فی ۷ ایلول سنه ۳۰۹

غلطه‌ده کمرک زقاغنده اوتوز یدی نومرولی
مغازده ساکن صراف نیقولی ولد فلیک
طوپخانه‌ده قره‌باش محله‌سنده قصابر جاده‌سنده
اللی اوچ نومرولی دکانده ساکن لامبو علیه‌نه
اقامه ایلدیکی دعوی اوزرینه مرقوم نیقولینک
مدعی علیه مرقوم لامبویه قارشو موقتاً حق
محاکمه‌دن سقوطیله دعوای واقعیه دخالت ایدن
بقال واسیلک مرقوم نیقولیدن بالمقابل طلب
ودعوی ایلدیکی سکر بیک یدیوز طقسان ایکی
غروشک مرقومدن تحصیلنه دائر غیاباً صادر
اولان ۹ کانون اول سنه ۳۰۸ تاریخی و ۸۳
نومرو ايله مرقم برقطعه اعلام مرقوم نیقولی به
کوندرلش ایسه‌ده مرقومک اقامت ایلدیکی دکانی

تخلیه ایدرک نه طرفه کتدیکی مجهول اولدیغی
مجلسی مختاری طرفدن تبلیغ علم و خبری زیرینه
شرح ایله تختیم قلممش اولدیغندن اصول محاکمه
حقوقیه قانونک بوز قرق طقوزنجی مادهسی
موجبجه اعلام مذکورک صورتی محکمه
دیوانخانه سنه تعلیق ایدلدیکنک اعلاننه
ابتدار قلندی .

فی ۱۳ ربیع الاول سنه ۳۱۱

وفی ۱۱ ایلول سنه ۳۰۹

جوارنده قاضی چشمه سی قربنده مفتی علی افندی
مجلسه سنده مفتی حامی دیمکله معروف و حرمین
محترمین کدکرنندن مضبوط تخمیناً التیوز طقسان
آرشون عرصه اوزرینه مبنی ایکی خلوت واون
یدی قورنهی و بشیوز آرشونی متجاوز اودونلق
ایله مشتملات سائرهی حاوی و شهری یدی یوز
غروش ایجارکتورر نظامی برباب حمام کدکندن
مومی الیهانک پدری مرحومدن انتقالاً متصرفه
اولدینی ثلث حصه سنک تاریخ اعلاندن اعتباراً
اون بش کون صکره بالمزایده فروخته تشبث
اولنه جفی درسعادت اعلامات نظامیه اجرا
دائرة سندن اعلان اولنور .

فی ۱۳ ایلول سنه ۳۰۹

اوستیان وافتک سرونیان و صوفی قادیلرک
سلوریللی حاجی محمد عزیز بک مرحومک کریمه سی
رفیعه خانم ذمتده قرتال بدایت محکمه سی اعلامیه
محکوم به مطلوبلری اولان مبالغک تأمین استیفاسی
ایچون تحت حبزده بولندیر یلان سلطان سلیم

(مطبعة عامروده طبع اولمشدر)